

PRENTISIAETHAU.

DEWIS DOETH.

PECYN GWYBODAETH

PRENTIS GOFAL PLANT

 prentisiaethau@gwynedd.llyw.cymru



GWEFANNAU DEFNYDDIOL



www.instagram.com/prentisiaidcg



www.twitter.com/talentgwynedd



prentisiaethau@gwynedd.llyw.cymru



www.talentcyngorgwynedd.com



www.gwynedd.llyw.cymru/prentisiaethau



www.gwynedd.llyw.cymru/swyddi



PRENTISIAETHAU.

DEWIS DOETH.

CYNNWYS

Gair o groeso	1
Beth yw prentisiaeth?	3
Prentis Gofal Plant	4
Buddiannau Prentisiaeth.....	6
Y Broses Ymgeisio	8
Canllawiau ar Gyflwyno Cais.....	9
Beth sy'n gwneud y prentis perffaith?	10
Creu cais effeithiol.....	11
Y Broses Recriwtio	13

Hoffem eich croesawu i Becyn Gwybodaeth Prentisiaethau Cyngor Gwynedd!

Os ydych chi'n chwilio am y cyfle perffaith i ddatblygu eich gyrfa ond ddim yn siŵr ymhle i ddechrau, gallai dilyn Prentisiaeth fod y cam nesaf i chi.

Dim ond dechrau'r daith yw dilyn prentisiaeth gan ei fod yn gallu eich arwain i ddilyn nifer o lwybrau cyffrous, megis sicrhau swydd barhaol, neu ganiatáu i chi barhau i ddatblygu eich sgiliau gan ddilyn prentisiaethau ar lefelau uwch.

Rydym yn ffyddiog fod y mwyafrif o'r wybodaeth sydd ei angen arnoch i'w ganfod ar dudalennau'r pecyn, ond hoffem gymryd y cyfle hwn i bwysleisio ei fod yn becyn byw ac felly fe all newidiadau gael eu gwneud yn gyson wrth i'n amgylchiadau newid.

Rydym yn mawr obeithio y bydd y pecyn yn eich ysbrydoli i ddilyn prentisiaeth ac y bydd ein cyfleoedd yn apelio atoch.

Diolch am gymryd y cyfle i ystyried ein cyfleoedd prentisiaeth, a pheidiwch ag oedi i gysylltu os oes angen unrhyw arweiniad pellach arnoch.



GAIR O GROESO



"Fel Cyngor, rydan ni eisiau sicrhau swyddi da i bobl Gwynedd ac fel un o gyflogwyr mwyaf y sir, mae'n bwysig ein bod yn parhau i ddatblygu gweithlu o safon i'r dyfodol. Trwy'r cynllun prentisiaethau'r Cyngor, byddem yn cynnig profiad o weithio ochr yn ochr efo swyddogion arbenigol, yn ogystal a sicrhau hyfforddiant, datblygu sgiliau a chymwysterau wrth weithio. Bydd y cynllun yn sylfaen wych i bobl sydd yn edrych i ddilyn gyrfa broffesiynol yma yng Ngwynedd ac yn cyfrannu at ein nod o sicrhau cyfleoedd swyddi da ar gyfer pobl ifanc y sir."

Y Cynghorydd Nia Wyn Jeffreys
Aelod Cabinet Cefnogaeth Gorfforaethol

"Pan feddylwch chi am beth mae llywodraeth leol yn ei wneud, beth ydi'r peth cyntaf sydd yn dod i'ch meddwl chi: Casglu trethi, hel sbwriel neu redeg llyfrgelloedd efallai? Os mai un o'r atebion yma sydd yn dod i'ch pen chi gyntaf, rydych chi'n hollol gywir, ond mae'n bosib na fuasech yn ymwybodol o'r amrediad o wasanaethau a swyddogaethau eraill mae llywodraeth leol yn ymgymryd â hwy bob dydd. Mae Cyngor Gwynedd yn darparu ystod eang o wasanaethau ar draws ein Sir gan gynnwys addysgu ein plant, gofalu am ein pobl, glanhau ein strydoedd, edrych ar ôl ein llesiant a hybu ein busnesau lleol fel y gallent lwyddo. Y prif beth sydd yn ein galluogi ni fel Cyngor i lwyddo i wneud hyn yn fwy na dim yw'r staff sy'n gweithio yma. Mae'r Cyngor yn llawn pobl sydd wedi dewis gweithio yma oherwydd eu bod eisiau helpu pobl Gwynedd a gwneud gwahaniaeth i'r cymunedau a'r amgylchedd rydym yn byw ynddo."



Geraint Owen
Pennaeth Adran Cefnogaeth Gorfforaethol

BETH YW PRENTISIAETH?

Mae prentisiaeth yn gyfle i chi ddatblygu eich gyrfa drwy weithio gyda pobl profiadol, derbyn cymwysterau a chael cyflog yr un pryd!

Mae prentisiaethau wedi eu llunio o amgylch fframweithiau a safonau sydd yn gyfuniad o gymwysterau sydd yn cael eu cydnabod yn genedlaethol.

Er mwyn i chi fod yn brentis bydd rhaid i chi fod mewn cyflogaeth. Byddwn ni fel eich cyflogwr yn cynnig profiadau yn y gweithle i chi yn y maes o'ch ddewis, a byddwn yn eich cefnogi i gwblhau eich prentisiaeth yn llwyddiannus.

Rydym ni fel Cyngor yn falch iawn o fod yn gallu cynnig cyfleoedd o'r safon uchaf i'n trigolion, ac yn edrych ymlaen i groesawu'n prentisiaid i'n sefydliad.

CWESTIYNAU CYFFREDINOL

Pwy sy'n cael gwneud cais am brentisiaeth?

Gall unrhyw un wneud cais am brentisiaeth os ydyn nhw dros 16 mlwydd oed, yn byw yng Nghymru ac nad ydynt mewn addysg lawn amser.

Pa gymhwyster byddaf yn ei astudio?

Bydd hyn yn dibynnu ar y llwybr byddwch fel Prentis yn ei ddilyn. Mae'r fframweithiau Prentisiaethau yn cynnwys cymwysterau o bob lefel.

Ble fydd yr hyfforddiant yn cael ei gynnal?

Byddwch yn cael eich ryddhau o'r gwaith, i astudio mewn Coleg neu Brifysgol neu byddwch yn dilyn rhaglen dysgu o bell os yw'r ddarpariaeth yn y gweithle yn unig.

Beth fydd hyd y brentisiaeth?

Mae prentisiaeth yn cymryd rhwng 12 a 36 mis i'w gwblhau, yn ddibynnol ar ofynion penodol y cymwysterau a'r lleoliadau.

Sawl awr sy'n rhaid i brentis weithio?

Rhaid i Brentis gael ei gyflogi am o leiaf 16 awr yr wythnos.

Oes yna gyfyngiad o ran oedran?

Nac oes, ond mae pobl ifanc rhwng 16 i 19 oed yn cael blaenoriaeth.

GOFAL PLANT

Mae Meithrinfa Plas Pawb wedi'i lleoli ar dir Ysgol Gynradd Maesincla, Caernarfon, ac mae'n rhan o Ganolfan Integredig Plas Pawb. Mae gan y gwasanaeth ddwy ystafell chwarae ddynodedig a chyfleusterau ac mae'n defnyddio ystafell chwarae'r cylch meithrin cyfagos ar gyfer darpariaeth clwb ar ôl ysgol. Mae'r plant yn gallu defnyddio ardaloedd awyr agored bach amgaaedig, ac mae un ohonynt yn cael ei rhannu â'r cylch meithrin.

A fuaset ti'n hoffi datblygu dy wybodaeth a'th sgiliau yn ogystal ac ennill cymwysterau tra'n gweithio gyda phlant yn y blynyddoedd cynnar? Dyma gyfle gwych i ti allu gweithio yn meithrinfa Plas Pawb! Byddi'n cael cyfle i weithio o dan oruchwyliaeth fel cymhorthydd. Byddi'n rhoi gofal sy'n cefnogi datblygiad...

corfforol, deallusol, ieithyddol a chymdeithasol y plant. Mae'r brentisiaeth yn rhoi'r wybodaeth, y sgiliau a'r gallu sydd eu hangen ar brentisiaid i fod yn weithwyr cymwys yn y maes hanfodol hwn. Mae'r brentisiaeth yn rhoi sylfaen dda i ti ddysgu am y maes

Mae Meithrinfa Plas Pawb wedi'i lleoli yng Nghaernarfon ac yn cynnig gofal ac addysg o ansawdd i blant o dri mis oed i fyny a phlant oed ysgol.

Ceir ystafell Babis, Ystafell Plant Hŷn a Chlwb ar ôl ysgol o fewn y feithrinfa. Cynigir llefydd llawn neu hanner amser ynghyd a chynllun gofal plant tymor ysgol yn unig. Hefyd mae'r feithrinfa wedi ei chofrestru i ddarparu llefydd gofal plant Dechrau'n Deg.

Mae yna bedwar man chwarae diogel i'r plant chwarae gydag adnoddau pwrpasol i gynnig cyfleoedd eang i blant. Mae'r feithrinfa yn chwarae rôl allweddol o fewn Canolfan Integredig Plas Pawb i gynnig amryw o wasanaeth i deuluoedd yr ardal.

Wrth gynnig gofal i blant mae modd cynnig cyfleoedd i'r rhieni/gofalwyr fynychu sesiynau a chyrsgiau ar y safle drwy wasanaeth y tîm Cefnogi Teulu, Teuluoedd yn Gyntaf a'r cynllun Dechrau'n Deg.



GOFAL PLANT

Pa gyfleoedd fydd ar gael i chi wrth ddilyn eich prentisiaeth?

Bydd dilyn prentisiaeth yn agor llawer o ddrysau i chi ac yn cynnig cyfleoedd amrywiol i chi ddatblygu eich sgiliau a pharatoi ar gyfer byd gwaith.

DATBLYGIAD RHEOLAIDD

Rhan bwysig o wneud prentisiaeth yw sicrhau dy fod yn datblygu'n rheolaidd. Yn ystod y brentisiaeth cei dy asesu drwy gyfuniad o'r dulliau canlynol:

- Cwblhau portffolio tystiolaeth
- Arsyllwadau yn y gweithle
- Tasgau a phroffion theori

DULLIAU CYFLWYNO

Mi fydd y brentisiaeth yn cael ei gyflwyno drwy gyfuniad o'r dulliau canlynol:

- Profiadau yn y gwaith
- Sesiynau yn y coleg i gwblhau rhai tasgau a phroffion theori

Y CAMAU NESAF

Ar ôl cwblhau'r rhaglen hon yn llwyddiannus, bydd gennych nifer o ddewisiadau ar gyfer y dyfodol o ran addysg a'r byd gwaith.

Gallwch arbenigo neu ddewis swydd yn y meysydd canlynol:

- Cynorthwydd meithrinfa
- Cynorthwydd cylch
- Cynorthwydd Gofal Plant Tu Allan i'r Ysgol
- Cynorthwydd Cylch Chwarae



BUDDIANNAU PRENTISIAETH

Mae llawer o fuddiannau byddwch yn gallu elwa ohonynt wrth i chi ddilyn llwybr prentisiaeth.

Dyma amlinellu dim ond ychydig ohonynt...

Datblygu sgiliau sydd yn hanfodol i'r swydd

Tra yn gweithio gyda staff profiadol, bydd cyfle i chi ddysgu gan aelodau o'r tîm, datblygu eich sgiliau a magu hyder yn eich maes.

01

02

Ennill profiadau gwerthfawr

Wrth i chi ymgymryd a rôl prentis bydd cyfle i chi ddysgu am eich gyfrifoldebau wrth i chi weithio. Byddwn yn cymryd i ystyriaeth nad oes gennych brofiad blaenorol yn y maes, ac yn cynnig y cyfleoedd gorau posib i chi ddysgu!

Derbyn hyfforddiant o'r safon uchaf

Byddwch yn cwblhau cymwysterau gan weithio yn agos gyda sefydliad addysg. Bydd y sefydliad yn ddibynnol ar eich maes, ond mae pob sefydliad wedi ymrwymo i gynnig gwasanaeth o'r safon uchaf i'n prentisiaid.

03

04

Cwblhau cymwysterau cydnabyddedig yn eich maes

Mae'r cymwysterau rydych yn eu dilyn yn sicr o agor drysau newydd i chi. Maent yn gymwysterau sydd yn cael eu cydnabod gan gyflogwyr, ac mae meysydd ein prentisiaethau yn datblygu'n gyflym ar hyn o bryd.

Derbyn cefnogaeth a chymorth profiadol

Tra byddwch yn gweithio yn eich maes, bydd gennych fentor lleoliad, a mentor o'r Coleg a fydd yn cynnig cymorth i chi drwy'r cyfnod. Gallent eich helpu yn eich rôl o ddydd i ddydd, neu gyda'ch gwaith coleg - dim ond gofyn sydd angen!

05

06

Datblygu dy hun

Mae Cyngor Gwynedd yn annog pob aelod o staff i barhau i ddatblygu eu hunain wedi iddynt sicrhau swydd. Bydd cyfle i chi ddatblygu eich hun ymhellach a manteisio ar ein cyrsiau mewnol unwaith byddwch yn y rôl.

Ac wrth gwrs, drwy ddilyn prentisiaeth yng Nghyngor Gwynedd byddwch yn...

ENNILL
CYFLOG
TRA'N
GWEITHIO

Os nad yw mynd i'r Coleg neu Brifysgol yn teimlo fel y cam naturiol nesaf i chi, bydd dilyn prentisiaeth yn eich galluogi i **weithio, ennill cyflog, derbyn cymhwyster ac elwa o brofiadau gwerthfawr** byd gwaith. Os ydych chi'n byw yng Nghymru, dros 16 mlwydd oed, ac ddim mewn addysg llawn amser, gall prentisiaeth fod yn gyfle perffaith i chi ddatblygu eich gyrfa.

GWEITHIO
MEWN
AWYRGYLCH
GYMREIG

Gallwn gynnig y cyfle i chi weithio pob dydd mewn awyrgylch Gymreig. Mae'r Gymraeg yn rhan o'n diwylliant ni, a byddai derbyn prentisiaeth gyda ni yn cynnig y cyfle perffaith i chi fod yn rhan o'r awyrgylch yma.



BUDDIANNAU PRENTISIAETH

Yn ogystal â hyn mae llawer o fuddiannau i'w cael wrth weithio i Gyngor Gwynedd:

- ✓ Byddwch yn gweithio mewn awyrgylch Gymreig
- ✓ Bydd cyfle i chi fod yn rhan o Gynllun Pensiwn Llywodraeth Leol
- ✓ Bydd gennych 24.5 diwrnod o wyliau, yn ogystal â 8 diwrnod o wyliau banc / gwyliau cyhoeddus
- ✓ Byddwch yn rhan o'n Cynllun Oriau Ystwyth
- ✓ Byddwch yn elwa o ystod eang o gyfleoedd hyfforddi a datblygu
- ✓ mewnol ac allanol
- ✓ Manteisio ar gynllun beicio i'r gwaith
- ✓ Bod yn rhan o'r undeb credyd
- ✓ Elwa o ddisgownts mewn siopau lleol a chenedlaethol
- ✓ Cymryd mantais o'r Cynllun Chwarae Plant
- ✓ Cefnogaeth i chi gael bywyd iach

BETH YW CYFLOG PRENTIS?

Dyma raddfa prentis Cyngor Gwynedd (yn unol â'r Isafswm Cyflog Cenedlaethol).

Prentis (oed)	Cyflog / flwyddyn
16 - 17	£8,913.27
18 - 20	£12,656.08
21 - 22	£16,128.78
23+	£17,189.88



Y BROSES YMGEISIO



Cam 1:
Y Ffurflen Gais



Cam 2:
Profiadau



Cam 3:
Paratoi



Cam 4:
Y Ganolfan Recriwtio

Y FFURFLEN GAIS

- Darllenwch unrhyw ganllawiau cyn llenwi eich cais.
- Cymerwch ofal o'ch iaith, a chofiwch ail-ddarllen y cais cyn ei chyflwyno.

PROFIADAU

- Ceisiwch deilwra eich profiadau i gyd-fynd a'r hyn rydym yn chwilio amdano.
- Defnyddiwch amryw o brofiadau sydd yn rhoi'r trosolwg gorau o'ch sgiliau.
- Os nad ydych yn siŵr beth i'w gynnwys, holwch ffrind, neu unigolyn sydd yn eich adnabod yn dda, am gyngor a syniadau.

PARATOI

- Byddai'n syniad da ymchwilio i'r Cyngor cyn ymgeisio er mwyn cael ychydig o wybodaeth cefndirol ynglŷn a'r heriau sydd yn ein wynebu ar hyn o bryd.
- Lluniwch frawddeg i chi eich hun yn crynhoi pam rydych eisiau ymgeisio a rhestrwch eich cryfderau - byddwch yn synnu o weld beth allwch ei gynnig i'r Cyngor!

Y GANOLFAN RECRIWTIO

- Llongyfarchiadau ar gyrraedd y Ganolfan Recriwtio!
- Darllenwch dros eich cais, a gwnewch yn siŵr fod gennych amryw o brofiadau i'w trafod ar y diwrnod.
- Cofiwch mai dyma yw eich cyfle chi i arddangos eich sgiliau a'ch potensial i fod yn brentis.
- Cofiwch pam eich bod wedi ymgeisio, byddwch yn chi eich hun, a mwynhewch y diwrnod!



CANLLAWIAU AR GYFLWYNO CAIS

Mae'n bwysig fod eich cais yn canolbwyntio ar wybodaeth sy'n berthnasol i'r swydd, ac wedi ei chyflwyno'n gryno ac eglur.

Dylech edrych yn ofalus ar y Manylion Person i sicrhau fod eich cais yn ateb ein gofynion. Mae'r rhan fwyaf o gyflogwyr yn cynnwys Manylion am y Person gyda'u Swydd Ddisgrifiad. Mae Manylion am y Person yn y bôn yn rhestr o sgiliau a gwybodaeth sydd eu hangen i wneud y swydd yn dda.

Wrth gwblhau'r rhan Gwybodaeth Bellach yn eich Cais am Swydd, byddwn yn gofyn i chi ateb cwestiynau penodol gan ddilyn strwythur a chanllawiau, a chadw at y nifer geiriau.

Byddwn yn rhoi ystyriaeth i'r isod pan byddwn yn tynnu rhestr fer:

1

Gallu i ddefnyddio enghreifftiau o'ch cyflogaeth, profiadau rydych wedi eu cael drwy'r ysgol neu goleg, profiadau gwaith, hobiau neu/a gwaith gwirfoddol rydych wedi eu cwblhau.

2

Can fod cyfathrebu a chywirdeb iaith yn y Gymraeg a'r Saesneg yn hanfodol, rydym yn annog pob ymgeisydd i gwblhau'r ffurflen yn y Gymraeg.

3

Bydd dilyn y strwythur a'r canllawiau sydd ynghlwm a'r swydd ddisgrifiad yn fanteisiol i'ch cais.

4

Pan byddwch yn disgrifio eich enghreifftiau, dylech fanylu ar eich sgiliau, cryfderau a phrofiadau.

Sgiliau – Yr hyn rydych yn gallu ei wneud.

Cryfderau – Y sgiliau rydych yn ei wneud orau.

Profiadau – Yr hyn rydych wedi'i wneud sy'n arddangos eich sgiliau a'ch gryfderau.



BETH SY'N GWNEUD Y PRENTIS PERFFAITH?



DANGOS YR YMDDYGIAD AC AGWEDD CYWIR

- Bod yn deg a gallu trin pobl gyda pharch
- I fod yn gymwynasgar ac yn gwrtais



DANGOS YMRWYMIAD I WAITH

- I fod yn gyfrifol am wneud y dyletswyddau a chyfrifoldebau rôl prentis i'r lefel uchaf bosib
- I gyflawni pob dyletswydd sy'n ofynnol
- Deall pwysigrwydd cyfle cyfartal



CYFRANNU TUAG AT LWYDDIANT

- Cyfrannu tuag at lwyddiant y sefydliad, y tîm a'r gwasanaeth
- Gallu trefnu eich amser eich hun a chyflawni tasgau o werth



GWEITHIO FEL RHAN O DÎM

- Gallu gweithio mewn tîm
- I gyfrannu at gyfarfodydd tîm a chyfathrebu'n rheolaidd ac yn effeithiol gydag aelodau eraill y tîm



CYFATHREBU GYDA HYDER

- Y gallu i gyfathrebu gyda hyder yn y Gymraeg a'r Saesneg
- Y gallu i ddangos y sgiliau cywir i allu cyfathrebu yn gywir ar gyfer unrhyw gynulleidfa



PARODRWYDD I DDYSGU

- I ymrwymo i'ch datblygiad i gyflawni eich swydd a'r brentisiaeth
- Adnabod anghenion datblygu personol yn barhaus a gweithredu arnyn nhw



DEALL BETH SYDD EI ANGEN I WEITHIO I'R CYNGOR

- Deall y sialensiau sydd yn ein wynebu fel Cyngor
- Manteisio ar gyfleoedd i fod yn greadigol ac yn arloesol
- Sicrhau eich bod yn rhoi pobl Gwynedd yn ganolog i bopeth rydych yn ei wneud



CREU CAIS EFFEITHIOL

PWYNTIAU PWYSIG (y byddwn yn eu hystyried wrth lunio rhestr fer)

- Gan fod cyfathrebu a chywirdeb iaith yn y Gymraeg a'r Saesneg yn hanfodol, rydym yn eich annog i gwblhau'r ffurflen yn Gymraeg
- Bydd dilyn y strwythur a'r canllawiau isod yn fanteisiol i'ch cais
- Yn eich enghreifftiau, dylech fanylu ar beth wnaethoch chi a'r effaith a gafodd
- Ysgrifennwch dim mwy na 200 o eiriau i bob pwynt

1. PAM YMGEISIO AR GYFER Y BRENTISIAETH YMA?

Eglurwch pam yr ydych yn ymgeisio am y brentisiaeth yma'n benodol.

Cofiwch sôn am eich diddordeb yn y maes a pham fod y brentisiaeth yma'n apelio atoch chi.

2. YMDDYGIAD AC AGWEDD BRIODOL

Disgrifiwch un digwyddiad sy'n dangos i chi ymddwyn yn briodol a phroffesiynol neu ymateb yn bositif i sefyllfa anodd – e.e. dangos parch, agwedd bositif, cydweithio, ysgogi pobl, defnyddio iaith briodol.

3. YMRWYMIAD I WAITH

Disgrifiwch un digwyddiad sy'n dangos i chi gyfrannu at ganlyniadau o werth wrth weithio ar dasg neu brosiect.

4. CYFRANNU AT LWYDDIANT

Disgrifiwch un digwyddiad sy'n dangos i chi gyfrannu at lwyddiant prosiect neu ddigwyddiad.

5. GWEITHIO FEL RHAN O DÎM

Disgrifiwch un digwyddiad sy'n dangos chi weithio yn effeithiol fel rhan o dîm.

6. CYFATHREBU GYDA HYDER

Disgrifiwch un digwyddiad sy'n dangos i chi gyfathrebu'n hyderus ar lafar neu'n ysgrifenedig gydag unigolion neu grŵp.

7. PARODRWYDD I DDYSGU

Disgrifiwch un digwyddiad sy'n dangos eich parodrwydd i ddysgu.

8. YMWYBYDDIAETH O BETH SYDD EI ANGEN I WEITHIO I'R CYNGOR

Eglurwch pam eich bod eisiau gyrfa gyda'r Cyngor.



CREU CAIS EFFEITHIOL

Ydych chi'n awyddus i lenwi ffurflen gais ond ddim yn siŵr sut i strwythuro eich atebion? Beth am ddefnyddio'r dull PREP?

P

PWYNT

Dechreuwch drwy ateb y cwestiwn: "Rwy'n credu bod..."

Rwy'n credu mai un o fy mhrif gryfderau yw fy sgiliau cyfathrebu ysgrifenedig.

R

RHESWM

Yna rhowch eglurhad: "A'r rheswm pam rwy'n credu hynny yw..."

Rwy'n credu hyn gan fy mod yn gallu strwythuro fy atebion yn glir ar bapur ac am fy mod yn cymryd amser i lunio fy ateb cyn ei gofnodi.

E

ENGHRAIFFT

Darparwch enghraifft sy'n cefnogi eich sefyllfa: "Er enghraifft, dim ond yr wythnos diwethaf..."

Er enghraifft, llwyddais i berswadio fy nghyngor ysgol fod angen gwisg newydd ar ein tîm pêl droed drwy ysgrifennu llythyr atynt.

P

PWYNT

Gorffennwch drwy grynhoi eich pwynt: "A dyna pam rwy'n credu bod..."

Credaf fod hyn yn enghraifft dda o sut rydw i wedi llwyddo gan ddefnyddio fy sgiliau cyfathrebu ysgrifenedig.



Y BROSES RECRIWTIO

Dyma drosolwg o'r broses recriwtio:

CAM	BETH?	SUT?	PRYD?
1	Cais ar-lein	<ul style="list-style-type: none"> Cwblhau ffurflen gais ar-lein. Byddwn yn cysylltu gyda'r ymgeiswyr sydd ar y rhestr fer yn unig. Bydd lle i hyd at 4 ymgeisydd ar gyfer CAM 2. 	Dyddiad cau 04/11
2	Canolfan Recriwtio	Bydd y Ganolfan Recriwtio yn gyfuniad o dasgau a chyfweiliad ar-lein dros Microsoft Teams.	18/11/21
3	Penodi	Byddwn yn penodi ar sail asesu'r wybodaeth o'r ganolfan recriwtio a geirda.	TACHWEDD

Mae'r Ganolfan Recriwtio yn gyfle gwych i chi ddangos eich botensial i fod yn brentis.

Os nad ydych yn gyfarwydd â Chanolfan Recriwtio, dyma ychydig o bwyntiau allai fod o gymorth i chi:

- Prif bwrpas y Ganolfan Recriwtio ydi sicrhau eich bod yn cael y cyfle i ddangos eich potensial, ymddygiad ac agwedd.
- **Mi fyddwn ni'n asesu ymgeiswyr gan ddefnyddio egwyddorion y Prentis Perffaith.**
- Mi fydd y Ganolfan Recriwtio yn cynnwys tasgau a chyfweiliad.
- **Mi fydd y ddau dasg yn rhoi ffocws ar gynnwys yr elfennau canlynol – cyfathrebu a chreadigrwydd, ymddygiad ac agwedd.**
- Yn ystod y cyfweiliad, mi fyddwn yn gofyn pum cwestiwn. Byddwn yn rhoi copi o'r cwestiynau yma i bawb ychydig cyn y cyfweiliad. Mi fydd disgwyl i chi ateb un o'r cwestiynnau yn y Saesneg.
- **Peidiwch â phoeni, mi fyddwn ni'n cyflwyno'r disgwyliadau yn llawn ar y dechrau.**

